

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-2345/25  
Sarajevo, 30.12.2025. godine

**Z A P I S N I K**  
**23. SJEDNICE DOMA NARODA PARLAMENTA FEDERACIJE BOSNE I**  
**HERCEGOVINE, održane 30.12.2025. godine**

Sjednica je počela sa radom u 11 sati i 23 minute.

Sjednici je predsjedavao Tomislav Martinović, predsjedavajući Doma naroda Parlamenta Federacije BiH.

Predsjedavajući je pozdravio predsjednicu Federacije BiH Lidiju Bradaru, potpredsjednike Federacije BiH Refika Lendu i Igora Stojanovića, te predstavnike Vlade Federacije BiH i predstavnike medijskih kuća.

Predsjedavajući je uputio čestitke za katolički i pravoslavni Božić i novu 2026. godinu.

Izostanak sa sjednice najavili su: Žarko Vujović, Goran Bulajić, Tanja Šantić i Kristina Petrović.

Prema evidenciji Stručne službe, sjednici prisustvuje 50 delegata, što čini većinu, pa Dom naroda može raditi i punovažno odlučivati.

Prije prelaska na rad intonirana je himna Bosne i Hercegovine.

Predsjedavajući je predložio da se prije prelaska na rad glasa o usvajanju Zapisnika 23. sjednice Doma naroda Parlamenta Federacije BiH.

Na osnovu rezultata glasanja, predsjedavajući je konstatovao da je Dom naroda, sa 52 glasa za, bez glasova protiv i bez uzdržanih glasova, usvojio Zapisnik 23. sjednice Doma naroda Parlamenta Federacije BiH.

Predsjedavajući je prije utvrđivanja dnevnog reda obavijestio delegate o prijedlogu Kolegija Doma naroda da se delegatska pitanja i inicijative upute pisanim putem a sve radi efektivnijeg rada Doma naroda.

Predsjedavajući je konstatovao da su delegatkinje i delegati prihvatili ovaj prijedlog Kolegija Doma naroda.

Nakon toga prešlo se na utvrđivanje dnevnog reda.

Predsjedavajući je obavijestio delegate da je Vlada Federacije BiH u parlamentarnu proceduru dostavila novi Prijedlog Odluke o prihvatanju dodatnog zaduženja na osnovu izmijenjenog i obnovljenog ugovora na Ugovor o zajmu od 12. septembra 2018. godine između Bosne i Hercegovine i Evropske banke za obnovu i razvoj za realizaciju Projekta Koridor Vc - dionica 3 „Poprikuša – Nemila“, te je istovremeno Vlada Federacije BiH iz parlamentare procedure povukla Prijedlog Odluke, koja se odnosi na to zaduženje, a koji je utvrdila u junu 2025. godine. Predsjedavajući je napomenuo delegate da je Prijedlog Odluke dostavljene u junu Dom naroda razmatrao na 22. sjednici, te ga nije donio jer nije dobio potreban broj glasova i predložio da se u dnevnom redu današnje sjednice razmatra novi Prijedlog Odluke koji je Vlada Federacije BiH dostavila u decembru ove godine, što su delegati prihvatili.

Na osnovu rezultata glasanja, predsjedavajući je konstatovao da je Dom naroda, sa 60 glasova za, uz jedan uzdržani glas i bez glasova protiv, usvojio sljedeći:

## **DNEVNI RED**

1. Strategija za prevenciju ovisnosti u Federaciji BiH 2025.-2035. godina,
2. Prijedlog Odluke o prihvatanju dodatnog zaduženja na osnovu izmijenjenog i obnovljenog ugovora na Ugovor o zajmu od 12.9.2018. godine između BiH i EB za obnovu i razvoj za realizaciju projekta Koridor 5C, dionica 3 „Poprikuša-Nemila“,
3. Prijedlog Odluke o prihvatanju zaduženja po Okvirnom sporazumu o zajmu između Razvojne banke i Vijeća Evrope (CEB) i BiH za realizaciju Podprojekta rekonstrukcije i opremanja dviju psihijatrijskih bolnica u Federaciji BiH (Sarajevo i Mostar),
4. a) Izvještaj o izvršenju Programa rada Agencije za privatizaciju u Federaciji BiH za 2023. godinu,  
b) Izvještaj o izvršenju Programa rada Agencije za privatizaciju u Federaciji BiH za 2024. godinu,
5. a) Informacija o izvršenim revizijama privatizacije državnog kapitala i privrednih društava i banaka u Federaciji BiH od januar - juni 2023. godine,  
b) Informacija o izvršenim revizijama privatizacije državnog kapitala i privrednih društava i banaka u Federaciji BiH juli - decembar 2023. godine,  
c) Informacija o izvršenim revizijama privatizacije državnog kapitala privrednih društava i banaka u Federaciji BiH januar - juni 2024. godine,  
d) Informacija o izvršenim revizijama privatizacije državnog kapitala privrednih društava i banaka u Federaciji BiH juli - decembar 2024. godine,
6. a) Izvještaj o radu sa finansijskim izvještajem za 2023. godinu, te pratećom dokumentacijom Javnog preduzeća „Filmski centar Sarajevo“ d.o.o. Sarajevo,  
b) Godišnji izvještaj o poslovanju Javnog preduzeća „ Filmski centar Sarajevo“ d.o.o. Sarajevo za 2024. godinu,
7. Analitički izvještaj Fonda za zaštitu okoliša Federacije BiH za 2023. godinu,

8. Izbor i imenovanja:
  - a) Prijedlog Odluke o imenovanju Nadzornog odbora Agencije za privatizaciju u Federaciji BiH,
  - b) Prijedlog odluke o imenovanju Odbora za žalbe građana.

## **1. Strategija za prevenciju ovisnosti u Federaciji BiH 2025.-2035. god.**

Strategiju je utvrdila Vlada Federacije BiH.

Predstavnički dom obavijestio je Dom naroda da je na 25. redovnoj sjednici, održanoj 28.10.2025. godine, donio Odluku o usvajanju Strategije za prevenciju ovisnosti u Federaciji BiH 2025.-2035. god.

Strategiju su razmatrala nadležna radna tijela.

Strategiju je obrazložila Jasna Duraković, federalna ministrica obrazovanja i nauke.

Predstavnici radnih tijela nisu obrazlagali svoje izvještaje.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 56 glasova za, bez uzdržanih glasova i bez glasova protiv, usvojio Odluku o usvajanju Strategije za prevenciju ovisnosti u Federaciji BiH 2025.-2035. god.

## **2. Prijedlog Odluke o prihvatanju dodatnog zaduženja na osnovu izmijenjenog i obnovljenog ugovora na Ugovor o zajmu od 12.9.2018. godine između BiH i Evropske banke za obnovu i razvoj za realizaciju Projekta Koridor Vc – dionica 3 „Poprikuša-Nemila“.**

Tekst Prijedloga Odluke dostavila je Vlada Federacije BiH.

Predstavnički dom obavijestio je Dom naroda da je na 25. redovnoj sjednici, održanoj 28.10.2025. godine, donio Odluku o prihvatanju dodatnog zaduženja na osnovu izmijenjenog i obnovljenog ugovora na Ugovor o zajmu od 12.9.2018. godine između BiH i Evropske banke za obnovu i razvoj za realizaciju Projekta Koridor Vc – dionica 3 „Poprikuše – Nemila“.

Predstavnici radnih tijela nisu obrazlagali svoje izvještaje.

U raspravi su učestvovali Enes Peštek i Kristijan Milas, izvršni direktor za ekonomsko-finansijske poslove Autocesta Federacije BiH.

Na osnovu rezultata glasanja, predsjedavajući je konstatovao da je Dom naroda, sa 52 glasa za, uz tru uzdržana glasa i uz četiri glasa protiv, donio Odluku o prihvatanju dodatnog zaduženja na osnovu izmijenjenog i obnovljenog ugovora na Ugovor o zajmu od 12.9.2018. godine

između BiH i Evropske banke za obnovu i razvoj za realizaciju Projekta Koridor Vc – dionica 3 „Poprikuše – Nemila“.

### **3. Prijedlog Odluke o prihvatanju zaduženja po Okvirnom sporazumu o zajmu između Razvojne banke Vijeća Evrope (CEB) i BiH za realizaciju Podprojekta rekonstrukcija i opremanje dviju psihijatrijskih bolnica u Federaciji BiH (Sarajevo i Mostar).**

Prijedlog Odluke dostavila je Vlada Federacije BiH.

Predstavnički dom obavijestio je Dom naroda da je na 26. redovnoj sjednici, održanoj 20.11.2025. godine, donio Odluku o prihvatanju zaduženja po Okvirnom sporazumu o zajmu između Razvojne banke Vijeća Evrope (CEB) i BiH za realizaciju Podprojekta rekonstrukcija i opremanje dviju psihijatrijskih bolnica u Federaciji BiH (Sarajevo i Mostar), uz sljedeću tehničku primjedbu predstavnika Federalnog ministarstva finansija:

„U preambuli Odluke potrebno se pozvati na član 25. stav (7) Zakona o dugu, zaduživanju i garancijama u Federaciji BiH („Službene novine Federacije BiH“, br. 45/25), s obzirom na to da je Zakon o dugu, zaduživanju i garancijama u Federaciji BiH („Službene novine Federacije BiH“, br.: 86/07, 24/09, 44/10 i 30/16) prestao važiti 26.6.2025. godine.“.

Prijedlog Odluke razmatrala su nadležna radna tijela.

Prijedlog Odluke obrazložila je Elmana Bešlagić, u ime Federalnog ministarstva finansija.

Predstavnici radnih tijela nisu obrazlagali svoje izvještaje.

U raspravi je učestvovao Emir Dautović.

Na osnovu rezultata glasanja, predsjedavajući je konstatovao da je Dom naroda, sa 52 glasa za, uz četiri uzdržana glasa i bez glasova protiv, prihvatio ovu odluku.

- 4. a) Izvještaj o izvršenju Programa rada Agencije za reviziju privatizacije u Federaciji BiH za 2023. godinu**
- b) Izvještaj o izvršenju Programa rada Agencije za reviziju privatizacije u Federaciji BiH za 2024. godinu.**

Tekst Izvještaja dostavila je Agencija za reviziju i privatizaciju Federacije BiH.

Predstavnički dom obavijestio je Dom naroda da je na 26. redovnoj sjednici, održanoj 20.11.2025. godine, usvojio izvještaje o izvršenju programa rada Agencije za reviziju privatizacije u Federaciji BiH.

Izvještaje su razmatrala nadležna radna tijela.

Nije bilo potrebe da predstavnik Agencije za privatizaciju obrazlaže izvještaje.

Predstavnici radnih tijela nisu obrazlagali svoje izvještaje.

U raspravi je učestvovao Almir Babajić.

Na osnovu rezultata glasanja, predsjedavajući je konstatovao da je Dom naroda, sa 43 glasa za, uz 14 uzdržanih glasova i uz dva glasa protiv, usvojio Izvještaj o izvršenju Programa rada Agencije za reviziju privatizacije u Federaciji BiH za 2023. godinu.

Na osnovu rezultata glasanja, predsjedavajući je konstatovao da je Dom naroda, sa 42 glasa za, uz 14 uzdržanih glasova i uz dva glasa protiv, usvojio Izvještaj o izvršenju Programa rada Agencije za reviziju privatizacije u Federaciji BiH za 2024. godinu.

- 5. a) Informacija o izvršenim revizijama privatizacije državnog kapitala privrednih društava i banaka u Federaciji BiH januar - juni 2023. godine**
- b) Informacija o izvršenim revizijama privatizacije državnog kapitala privrednih društava i banaka u Federaciji BiH juli - decembar 2023. godine**
- c) Informacija o izvršenim revizijama privatizacije državnog kapitala privrednih društava i banaka u Federaciji BiH januar - juni 2024. godine**
- d) Informacija o izvršenim revizijama privatizacije državnog kapitala privrednih društava i banaka u Federaciji BiH juli - decembar 2024. godine.**

Vlada Federacije BiH dostavila je Parlamentu Federacije BiH ove informacije.

Predstavnički dom obavijestio je Dom naroda da je na 26. redovnoj sjednici, održanoj 20.11.2025. godine, razmatrao i primio na znanje informacije o izvršenim revizijama privatizacije državnog kapitala privrednih društava i banaka u Federaciji BiH januar - juni 2023. godine; juli - decembar 2023. godine; januar - juni 2024. godine i juli - decembar 2024. godine.

Izvještaje su razmatrala nadležna radna tijela.

Nije bilo potrebe da predstavnik Agencije za privatizaciju obrazlaže izvještaje.

Predstavnici radnih tijela nisu obrazlagali svoje izvještaje.

U raspravi niko nije učestvovao.

Budući da se radi o materijalu koji je dostavljen Parlamentu Federacije BiH radi informiranja, predsjedavajući je konstatovao da je Dom naroda Parlamenta Federacije BiH primio na znanje informacije o izvršenim revizijama privatizacije državnog kapitala privrednih društava i banaka u 2023. i 2024. godini.

**6. a) Izvještaj o radu sa finansijskim izvještajem za 2023. godinu, te pratećom dokumentacijom Javnog preduzeća „Filmski centar Sarajevo“ d.o.o. Sarajevo**

**b) Godišnji izvještaj o poslovanju Javnog preduzeća „Filmski centar Sarajevo“ d.o.o. Sarajevo za 2024. godinu**

Izvještaje o radu sa Finansijskim izvještajem dostavila je Vlada Federacije BiH.

Predstavnički dom obavijestio je Dom naroda da je na 26. redovnoj sjednici, održanoj 20.11.2025. godine, usvojio Izvještaj o radu sa Finansijskim izvještajem za 2023. godinu sa pratećom dokumentacijom Javnog preduzeća „Filmski centar Sarajevo“ d.o.o. Sarajevo i Godišnji izvještaj o poslovanju Javnog preduzeća „Filmski centar Sarajevo“ d.o.o. Sarajevo za 2024. godinu.

Izvještaje su razmatrala nadležna radna tijela.

Nije bilo potrebe da predstavnik Vlade Federacije BiH obrazlaže izvještaje.

Predstavnici radnih tijela nisu obrazlagali svoje izvještaje.

U raspravi su učestvovali Vesna Saradžić i Vibor Handžić.

Na osnovu rezultata glasanja, predsjedavajući je konstatovao da je Dom naroda, sa 57 glasova za, uz jedan uzdržani glas i uz jedan glas protiv, usvojio Izvještaj o radu sa finansijskim izvještajem za 2023. godinu, te pratećom dokumentacijom Javnog preduzeća „Filmski centar Sarajevo“ d.o.o. Sarajevo.

Na osnovu rezultata glasanja, predsjedavajući je konstatovao da je Dom naroda, sa 53 glasa za, uz dva uzdržana glasa i uz pet glasova protiv, usvojio Godišnji izvještaj o poslovanju Javnog preduzeća „Filmski centar Sarajevo“ d.o.o. Sarajevo za 2024. godinu.

Potom je predsjedavajući dao na glasanje zaključak, koji je predložila Vesna Saradžić.

Na osnovu rezultata glasanja, predsjedavajući je konstatovao da je Dom naroda, sa 56 glasova za, uz dva uzdržana glasa i uz jedan glas protiv, usvojio Zaključak Vesne Saradžić u tekstu kako ga je ona iščitala i kakvog je već prethodno usvojio Predstavnički dom, a koji glasi:

## **ZAKLJUČAK**

1. Zadužuje se Vlada Federacije BiH da u nacrtu i Prijedlogu Budžeta Federacije Bosne i Hercegovine za 2026. godinu osigura sredstva od 450.000,00 KM u skladu sa potrebama definiranim u razmatranom Izvještaju.

2. Zaključak stupa na snagu danom usvajanja.

## **7. Analitički izvještaj Fonda za zaštitu okoliša Federacije BiH za 2023. godinu**

Analitički izvještaj dostavio je premijer Vlade Federacije BiH.

Predstavnički dom obavijestio je Dom naroda da je na 26. sjednici, održanoj 20.11.2025. godine, donio Odluku o prihvatanju Analitičkog izvještaja o radu Fonda za zaštitu okoliša Federacije BiH za 2023. godinu.

Nije bilo potrebe da predstavnik Vlade Federacije BiH obrazlaže Izvještaj.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 41 glasom za, uz 16 uzdržanih glasova i uz jedan glas protiv, donio Odluku o prihvatanju Analitičkog izvještaja o radu Fonda za zaštitu okoliša Federacije BiH za 2023. godinu.

## **8. Izbor i imenovanja:**

- a) Prijedlog Odluke o imenovanju Nadzornog odbora Agencije za privatizaciju u Federaciji BiH**
- b) Prijedlog Odluke o imenovanju Odbora za žalbe građana**

- a) Prijedlog Odluke o imenovanju Nadzornog odbora Agencije za privatizaciju u Federaciji BiH**

Na osnovu člana 13. Zakona o Agenciji za privatizaciju Parlament Federacije BiH donosi Odluku o imenovanju predsjednika, članova Nadzornog odbora Agencije za privatizaciju u Federaciji BiH.

Predstavnički dom obavijestio je Dom naroda da je na 25. sjednici, održanoj 28.10.2025. godine, donio Odluku o imenovanju Nadzornog odbora Agencije za privatizaciju u Federaciji BiH, kojom su za članove Nadzornog odbora imenovani Ismet Ramović, Ilija Baotić i Edin Kahrmanović.

Prijedlog Odluke o imenovanju članova u Nadzorni odbor Agencije za privatizaciju utvrdile su komisije za izbor i imenovanje oba doma Parlamenta Federacije BiH.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda, sa 42 glasa za, uz 15 uzdržanih glasova i uz jedan glas protiv, donio Odluku o imenovanju Ismeta Ramovića, Ilije Baotića i Edina Kahrmanovića za članove Nadzornog odbora Agencije za privatizaciju u Federaciji BiH.

## **b) Prijedlog Odluke o imenovanju članova Odbora za žalbe građana**

Na osnovu člana 77. Zakona o unutrašnjim poslovima Federacije BiH, Parlament Federacije BiH imenuje članove Odbora za žalbe građana.

Predstavnički dom obavijestio je Dom naroda da je na 25. sjednici, održanoj 28.10.2025. godine, donio Odluku o imenovanju Odbora za žalbe građana kojom su imenovani: Emir Mehmedović predsjedavajući, Ivan Miličević i Selma Ploskić - članovi.

Prijedlog Odluke o imenovanju članova Odbora za žalbe utvrdile su komisije za izbor i imenovanje oba doma Parlamenta Federacije BiH.

U raspravi nije učestvovao niko.

Na osnovu rezultata glasanja, predsjedavajući je konstatovao da je Dom naroda, sa 42 glasa za, uz 15 uzdržanih glasova i bez glasova protiv, donio Odluku kojom su u Odboru za žalbe građana imenovani: Emir Mehmedović, predsjedavajući, Ivan Miličević i Selma Ploskić - članovi.

Sjednica je završila rad u 12 sati i 11 minuta.

\*\*\*

Transkript sjednice čini sastavni dio Zapisnika.

SEKRETARKA  
DOMA NARODA

Aida Hadžić-Salkić

PREDSJEDAVAJUĆI  
DOMA NARODA

Tomislav Martinović